



Тропарь

Глас 4

**Божественной Благодати преизрядный носителю, Православная
Веры Исповедниче, Любви Христовой сосуде неисчерпаемый,
Образ был еси воздержания, На Остров, аки в тихое пристанище,
вселился еси, Кротостию и смирением Христа Единого возлюбив, И
ныне со Ангелы ликовствуя, Отче Праведне Николае, Моли Христа
Бога спастися душам нашим.**

Кондак

Глас 3

**Яко финикс цветущий при истоках вод, Яко крин благоухающий
посреде житейских невзгод, Наследниче Благодати древних Святых,
Отче Николае, утешителю наш, Моли Христа Бога спастися нам.**

Величание

**Ублажаем тя, Святый Праведный отче наш Николае, и чтим святую
память твою: ты бо молиши за нас Христа Бога нашего.**

На овом сайту, посвећеном светој успомени старца Николаја Гурјанова,
можете послушати тропар и акатист св. старцу
Николају: <https://talabsk.ru/24-akafist.html>

АКАФИСТ

ИЖЕ ВО СВЯТЫХ ОТЦУ НАШЕМУ ПРАВЕДНОМУ НИКОЛАЮ ПСКОВОЕЗЕРСКОМУ АРХИЕРЕЮ БОЖИЮ НЕКТАРИЮ

Кондак 1

Избранный сосуде Благодати Божественныя, миро изливанное Руси
Святой на Главу Спасову, мир весь молитвами твоими облагоухавый,
Праведне Николае – Архиеерею Божий Нектарие,
благослови с любовью воспети тя: Радуйся, Николае-Нектарие,
Радуйся, Острове Православия.

Икос 1

Небеснаго Ангела во плоти показа тебе Творец, в последняя времена
явившего для покаяния и проповедания Евангелия; возсиял еси яко
солнце чрез мрак греха, Светом Любви Христовой вся творения
напоевая; темже и вся Земля Русская, земно кланяясь тебе, воспекает
сицевая:

Радуйся, Благодати Божия дивное селение,
Радуйся, Ангелом и человеком преславное удивление,
Радуйся, Царей Самодержавных прославление,
Радуйся, Веры Православныя утверждение,
Радуйся, Николае-Нектарие,
Радуйся, Острове Православия.

Кондак 2

Видяще вдовицу, Святую Русь, горько плачущую, лишенную земнаго
жениха, Царя-Помазанника, велегласно прославлял еси, Отче любимче,
Великаго в Царях Мученика Николая, таинственно являвшегося ти с
Пламенной Чашей Христовых Таин; всех притекающих к тебе побуждая
пети Искупителю-Царю: Аллилуиа.

Икос 2

Разума Божественнаго мятежный мир ища, на Остров твоей жертвенной
Любви притекающе, взываху: Господи, покажи нам святаго отца Николая;
и абие скорого помощника и тепла заступника в скорбях тя имуще, всех
недоумений разрешение получаху, дивящиеся сице:

Радуйся, отче всех, неистощимое терпение,
Радуйся, скорбящим обильное утешение,
Радуйся, всем помощи и благословение,
Радуйся, болящим здравие и облегчение,

Радуйся, Николае-Нектарие,
Радуйся, Острове Православия.

Кондак 3

Силою свыше одел ты Иисус, Небесный Жених души твоея, вся претерпети страшная века сего богоборная, за еже быти Столпом огненным, Исповедником Веры и Царства Русскаго Православнаго несокрушимым молитвенником, не могущим укрытися на вершине Горы-Христе посреде Острова стояй; за еже быти подобным Серафиму Саровскому, в Царство Небесное всех приводяй, поющим тебе: Аллилуиа.

Икос 3

Имуще богатство милосердия жителю Острова беззаконному, трикраты посекшему лик Славнаго Святителя Николая, по кончине сего безумнаго, панихиду творя по нем, Отче Святыи, трикраты руце его во гробе воздымающеся, крестообразно укрепляя еси:

да прости ти, чадо, Христос, глаголя; и нас огради знаменiem Креста, поющих ти сицевая:

Радуйся, Пресвятой Троицы верный служителю,

Радуйся, велений Его исполнителю,

Радуйся, Любвию Креста разрешая ны,

Радуйся, во Христе Иисусе прощая ны,

Радуйся, Николае-Нектарие,

Радуйся, Острове Православия.

Кондак 4

Бурею духовною волнуемое об отдохновенном времени твоём, Отче безсонный, дивно узре ты чадо твоё и в Небесных неусыпна,

одесную Обители Светозарнаго Отрока Царевича Алексия,

блистающим к тебе любовью Царей, собеседующа со Царственными Мученики и Блаженным Иоанном Чудотворцем о Руси Святой; и тамо поющим о ней: Аллилуиа.

Икос 4

Слышаша слепии, немые и глухие бесы, имже имя легион,

молящася тебе безмолвно, Херувиме огненный, вопияху мучительно, огнем молений твоих пожигаемы, ты же во озеро Талабское отсылал их еси, и множицею у недужных винопитием зелье изымал еси, о камень Веры сокрушая; мы же, зряше силу, Христом тебе данную, взываем ти:

Радуйся, юродством Царство Небесное стяжавый,

Радуйся, Крестом силы бесовския поправый,
Радуйся, сокрушитель отчаяния,
Радуйся, юродством попалил диавола,
Радуйся, Николае-Нектарие,
Радуйся, Острове Православия.

Кондак 5

Боготечною Кровию искупивый нас Христос, Русь Святую кровию новомучеников в Царскую багряницу облекл Еси: вся безумная от слуг сатаны претерпел еси: хлада и мраза терпение, от безбожных иудей гонение, Православныя Веры Исповедниче Отче Праведне Николае, моляся, яко кровь проливая за весь наш грешный мир, да вси покаянно восплачут Богу, спасенные: Аллилуиа.

Икос 5

Видяще отроцы и младенцы люте ослабленные, приносимые к тебе, вся их Серафимовичи содевал еси, Сладчайшим Именем Иисусовым, яко небесным нектарием, напоевая; родителей со умилением взывая пети тебе:

Радуйся, ключу молитвы Иисусовой, всех целителю,
Радуйся, осенением иконы твоея от смерти избавителю,
Радуйся, покрывающий молитвами чада твоя,
Радуйся, приходяй со детьми ко Христу,
Радуйся, Николае-Нектарие,
Радуйся, Острове Православия.

Кондак 6

Света Евангельскаго светлое блистание был еси, простыми словесы Истину благовествуя: мужам, женам и чадом глаголя тяготы ближних носить, заповеди Христовы творити, любовь вражду побеждая: во смирении и милости суд и слово твое, Старче благодатный Николае, Ангелом поющим о тебе: Аллилуиа.

Икос 6

Возсия вселенней Божественный Свет Истины Христовой тобою, преподобне молчальниче, архиереом, пастырям, правителем привременным, посещающим тебе: ты же иконами Святых Царей Земли Русской благословляше сих, в тишину келлии твоей входящих, яко во Гроб Христов, плачущих и чающих Христова утешения сице:
Радуйся, пастырей мудрый пастырю,
Радуйся, отче отцев, высший ангельский чин,

Радуйся, Державу и Церковь Русскую хранивый,
Радуйся, от ересей и расколов нас защитивый,
Радуйся, Николае-Нектарие,
Радуйся, Острове Православия.

Кондак 7

Хотя сокровенную тайну от века открыти Христе, жемчужину
Православия таинствовал нам в последняя времена, Светильника сего
Николая в виде голубине, на Острове посреди моря житейского
сокрытаго, Архиеерея Божия схиепископа Нектария,
ризою смирения Самим Господом облеченнаго, Сияющаго чудесами
подобно Эгинской Звезде, присно поюща Тебе: Аллилуиа.

Икос 7

Дивнаго во святых Своих показа тя Бог, о Святителю кротчайший:
льна убо вземшагося не угаси, трости надломленной не преломи,
обаче глас хлада тонка был еси нам, прелагая мечи самости нашея на
орала покаяния, темже псаломски гласуем тебе:

Радуйся, пламя молитвы Иисусовы,
Радуйся, носивый ризу смирения,
Радуйся, царю и священниче уединенный,
Радуйся, Мученику-Царю посвященный,
Радуйся, Николае-Нектарие,
Радуйся, Острове Православия.

Кондак 8

Странника Небеснаго дати восхотев людем твоим, во страданиях
пребывающим, Отче Вениамине, Митрополите славный града Святаго
Петра, остави посреде нас жезл твой, посошника твоего,
смиреннаго отрока Николая, имже досязаеши доныне каменных сердец
наших, сею лозою Христовой точаще нам умиление,
исторгая источники покаяния, оная же вода живая поет: Аллилуиа.

Икос 8

Весь был еси в нижних, Мучениче Святой Вениамине, малое чадо во
храме на руце подъемля, лобызая главу его и харизму пророчествуя
целованием сим, и вышних никакоже отступи, на Свещнице Старчества
Русскаго поставляя чадо сие Богом избранное, тем тьмы овец ко Христу
приводя царским путем покаяния, они же поют святому отроку Николаю:
Радуйся, ангельской чистоты сияние,

Радуйся, молитвенниче о нашем покаянии,
Радуйся, из детства навывший послушанию,
Радуйся, от юности изучивый Писание,
Радуйся, Николае-Нектарие,
Радуйся, Острове Православия.

Кондак 9

Всякое естество Ангельское удивися святому житию твоему, Новый Чудотворче отче наш Николае, крайнему твоему долготерпению: целодневно приемлюще народы ото всех предел Руси Святой, тяготы наша безропотно носивый, естеством более девяносто лет сый, любвеобильне Нектарие, услади любовь души наша, да поем с тобою Богу: Аллилуиа.

Икос 9

Светоприемную свещу целомудрия твоего, дикий Благодати твоя, трикий Веры твоя, проникающую мглу времен,
посылаеши нам, Божественный Вениамине, во образе дивного отрока Николая, емуже наперсный Крест Архиреев даруеши,
крестоношение сего за ны восписуя, Мы же, щитом Веры огражденные, воспеваем ему:

Радуйся, яко Крест твой – Крест смирения,
Радуйся, яко жезл твой – Крест долготерпения,
Радуйся, яко Крест – Руси хранение,
Радуйся, яко Крест – мира всего спасение,
Радуйся, Николае-Нектарие,
Радуйся, Острове Православия.

Кондак 10

Спасти хотя мир, над огненной бездной зияющий, не оставляеши нас, Господи: не десять уже праведных, но Веры взыскуя на земли;
ты же, Человече Божий, Христа ради юроде Николае,
удерживающий явился еси; последнего грешника милуя и исправляя,
Любовию Креста вся соединяя и от гибели спасая:
отшедшу же в Небесная, не престай моля о нас ко Господу: Аллилуиа.

Икос 10

Царь Превечный земного Царя в Николае Втором яко Свой Образ явил
Есть; ты же, Владыка Праведне, яко иный Нектарий Сэаттлийский
Архиерей, в русском разсеянии на Чужбине, умолял еси: прославим,

Мученика-Царя во главу угла Сонма Святых Новомучеников, укрепляя ны
приятн дивный сей Образ Державной Руси, земная Небесным соединяя,
поющим ти, проповедниче покаяния:

Радуйся, Царя прославивый, иже прославит тя,
Радуйся, показавый Державных Супруг единосияние,
Радуйся, Царя Святителем величающий,
Радуйся, молитвою к Царю Русь спасающий,
Радуйся, Николае-Нектарие,
Радуйся, Острове Православия.

Кондак 11

Пение умиленное Царице Небесной приносил еси, угодниче Божий
Николае, Материю Благодати Ея именуя; ныне же ты чада твоя
воспеваем, яко Светолепного Ангела во плоти, таинника и избранника,
велений Ея исполнителю, духа кротости от Чистой Голубицы приявшего,
и зрящи омофор Пречистой над тобой, со Ангелы на Небесех поем Богу:
Аллилуиа.

Икос 11

Светом небесным дивно просветися лице и тело твое в преставлении
твоем, Отче Предивный, Архангелом Гавриилом ветвию райской
предвозвещенном; мы же, осененные Небесною Славою во отшествии
твоем, прославляем тя сие:

Радуйся, Христом Царем в Небесная вселенный,
Радуйся, Пречистою во успении твоем осененный,
Радуйся, Архангелом с Небес предвозвещенный,
Радуйся, Мучеником-Царем во отшествии благословенный,
Радуйся, Николае-Нектарие,
Радуйся, Острове Православия.

Кондак 12

Благодать подаждь гибнущему миру, Светильниче Церкви Святой,
Ангеле Небесный Николае; вемы, яко Христос чудно в ты вселися,
иже во дни последния храм бо Духа Святаго был еси. Сего ради и по
успении твоем Крест и Евангелие в руке твои чудесно приемля,
непричастен смерти явился еси; душею на Небесех со всеми Святыми
пребываяй, не забуди тамо и нас, молящихся тебе: Аллилуиа.

Икос 12

Поюще присно Богоотроковице Архангельский глас, о милосердии
Матерь мира всего умолял еси: безчадным чад благословляя,

недужных раковыми язвами исцеляя, томимых в узах чудесно молитвою
свобождая, пропавших без вести открывая; всем творениям Божиим
благодать даруя. Мы же, познаша тя великаго молитвенника и
чудотворца, поем ти, Отче Драгий:

Радуйся, Чудотворца Николая славу стяжавый,
Радуйся, молитвою жизнь в умирающих вдыхавый,
Радуйся, на море люди от потопления избавивый,
Радуйся, блаженне, и безсловесные скоты милуяй,
Радуйся, Николае-Нектарие,
Радуйся, Острове Правосавия.

Кондак 13

О, правило веры во время апостасии, О, образе кротости миру,
лежащему во зле, О, воздержание многовещанных учителей! Три
узельцы Царствия Небеснаго, иже суть: Вера, Надежда, Любы:

подаждь страждущему Отечеству нашему, Руси Святой, спасая терпящий
озлобления от буйнаго мира Корабль Церкви и Державы Родной; да
воспоем ти, вернии, Чудотворче Новый Николае,

Архиерею Божий Блаженный Нектарие, во успении твоём нам давшему
завет: «Аз есмь с вами, и никтоже на вы! Христос Воскресе! Не теряйте
Пасхальную Радость!»: Аллилуиа.

(Этот кондак читается трижды, затем икос 1 и кондак 1)

Икос 1

Небеснаго Ангела во плоти показа тебе Творец, в последняя времена
явившего для покаяния и проповедания Евангелия; возсиял еси яко
солнце чрез мрак греха, Светом Любви Христовой вся творения
напоевая; темже и вся Земля Русская, земно кланяяся тебе, воспевает
сицевая:

Радуйся, Благодати Божия дивное селение,
Радуйся, Ангелом и человеком преславное удивление,
Радуйся, Царей Самодержавных прославление,
Радуйся, Веры Православных утверждение,
Радуйся, Николае-Нектарие,
Радуйся, Острове Православия.

Кондак 1

Избранный сосуде Благодати Божественныя, миро изливанное Руси
Святой на Главу Спасову, мир весь молитвами твоими облагоухавый,
Праведне Николае – Архиерею Божий Нектарие,

благослови с любовью воспети тя: Радуйся, Николае-Нектарие,
Радуйся, Острове Православия.

МОЛИТВА ПЕРВАЯ

О, Праведне и пречудне отче наш Николае, Пастырю верный и Архидиакону Божий смиренный Нектарие! Во времена отступления, нечестием мир пленившего, благочестием просиял еси, сокровенных судеб Божиих яснозрителю, тайновидец душ человеческих. Веруем: возлюби тя Бог, молитвенника пламенного за весь мир, и ныне наслаждаешься вышняя Славы у Престола всех Царя, купно со Святыми Царственными Мучениками и Всеми Святыми, в Земле Русской Просиявшими. Но яко имея дерзновение велие у Христа Царя И Его Пречистой Матери, Царицы Неба и Земли, Моли с Ними, да простит Господь нас, грешных, и помилует: от клятвы разрешит, от пленения вражия и ига богоборцев свободит, и дарует нам зрети Преславное Воскресение Святой Руси. И по всей Вселенной страшно и славно будет Пресвятое Имя Твое, Отца и Сына и Святаго Духа, Ныне и присно и во веки веков: Аминь!

МОЛИТВА ВТОРАЯ

Великий угодниче Христов, старче блаженный, святой праведный отче наш Николае, во время отступления, нечестием мир пленившего, ты благочестием нелицемерным народу русскому, яко солнышко ясное просиял еси. Сокровенных судеб Божиих яснозрителю, тайновидец душ человеческих, ныне смиренно молим тя, не остави нас сирых и убогих, исцели души наша от лукавствия, да не погибнем во страстях наших. Вемы бо, яко не подобаше нам чесого просити, токмо о еже исполните нам волю Божию, еже есть освящение наше, и восприяти святыню веры нашея: дар Духа Святаго Божиего, и приобщитися Церкви первенцев, написанных на небеси, и избегнути духов злобы поднебесных, да не обладает нами тех сила, но да сподобимся наследовать Царствие Небесное со всеми святыми и одесную стати на Страшном Судищи Христовом и услышати глас Сына Человеческого, пришедшего во славе Своей со всеми святыми Ангелы: «Приидите, благословеннии Отца Моего, наследуйте уготованное вам Царствие от сложения мира». Аминь.